

Eennâm- já meccituáluuministeriö miäradâs

kuolij Gyrodactylus salaris -njuámmum levânem estim várás vuáđudemnáál raijiittáskuávlust

Eennâm- já meccituáluuministeriö lii elleetavdâlaavâ (76/2021) 37 § 2 já 3 moomeent vuáđuld meridâm:

1 §

Miäradâs tárguttâs já koskâvuotâ lahâaasâtmân

Tain miäradâssâin vuáđuduvvoo raijiittáskuávlun kuolij Gyrodactylus salaris -njuámmum (*G. salaris -njuámmum*) levânem estim várás sehe meriduvvoo raijiittáskuávlust nuávdittemnáál kiälduin, iävtuin, raijiittâssâin já kenigâsvuodâin.

2 §

Miäruštálmeh

Taan miäradâssâst kyeleh uáivildeh pajeluokan Agnatha sehe luokkaid *Chondrichytes*, *Sarcopterygii* já *Actinopterygii* kullee tollum tâi luánduvárásijd čäcielleid, ij kuittâg toi suhâseelâid.

3 §

Raijiittáskuávlun G.salaris-njuámmum levânem estim várás

Raijiittáskuávlun *G. salaris* -njuámmum levânem estim várás (*raijiittáskuávlun*) hámmejeđ Suomâ čäcädâhkuávlun eereeb Tiänujuuvâ já Njiävdámjuuvâ čäcädâhkuávlun.

Raijiittáskuávlun juáhás kyevti uásán:

- 1) Paččvei, Uvduujuuvâ já Toollámjuuvâ čäcädâhkuávlun (*tuástumkuávlun*); já
- 2) tuástumkuávlun ulguupiälááh raijiittáskuávlun kullee čäcädâhkuávlun (*eidusâš raijiittáskuávlun*).

4 §

Kiäldu sirded ellee kuolijd raijiittáskuávlust meddâl já raijiittáskuávlun siste

Ellee kuolij sirdem raijiittáskuávlust Tiänujuuvâ já Njiävdámjuuvâ čäcädâhkuávluid já eidusii raijiittáskuávlust tuástumkuávlun lii kiieldum.

5 §

Kuolij suhâseelâi sirdem raijiittáskuávlust meddâl já raijiittáskuávlun siste

Kuolij šovâttum suhâseelâid uázžu sirded raijiittáskuávlust Tiänujuuvâ já Njiävdámjuuvâ čäcädâhkuávluid já eidusii raijiittáskuávlust tuástumkuávlun tuše toin iävttoin, ete meini lii,

323/2021

talle ko tom láá eidu paččaam já tot lii čalmečyegistääsist, kiedâvuššum vuovvijn, mii tuššâd *G. salaris* -parasiitijd, moh máhđulávt láá meeini asseest.

6 §

Vuáimánpuáttim

Taat miärádâs puátá vuáimán 21 peeivi cuáŋuimáánu 2021.

Helsingist 13.4.2021

Eennâm- já meccituáluminister Jari Leppä

Rádádállee virgeolmooš Kajsa Hakulin